

Alderdi katalanek «ongi» ikusten dute Nazio Batuetako begiraleak eskatzea

Redondo Terrerosek «txorakeriatzat» jo du Lizarrako alderdiek eginiko eskaria

Agentziak / Bartzelona

CiU, ERC eta PI alderdi kataluniarrek euren adostasuna helarazi diete NBEko begiraleak eskatzeko proposamena egin dutenei. Alderdion esanetan, «bake prozesua bere etenalditik aterako duen edozer ongi etorria» izango da. PSOEko eta PPko buruzagiek, berriz, kontrako iritzia azaldu dute.

CiU alderdiko Joaquim Molins buruzagiak «baikorki» baloratu du NBEko begiraleak eskatuz EAJk, EAK, EHk eta IUk elkarrekin egindako proposamena. Molinsen arabera, ez du ulertzen zertara datozen proposamenari egindako kritika guztiak. «EAJk egiten duen guztia demonizatu nahi dute PSOEek eta PPK, eta politika horrek, okerra izateaz gain, ez garamatza inora», esan zuen. Bere ustez, «Rosa Diezek proposamena egin zuenean ongi iritzi zioten berberak dira orain proposamenaren kontra altxatu direnak».

ERC eta PI alderdiek ere beren elkartasuna helarazi zuten proposamenaren egileei. Joan Puigercosin (ERC) arabera Espainiako Gobernuak «ezin da izan aldi berean gatazka politiko bateko alde eta epaile». Benet Tuguesen (PI) ustez, berriz, «bake prozesua bere gelditasunetik atera dezakeen edozerk balio du, eta kanpoko talde bat lagungarri izan daiteke».



MIREN SAEZ

Euskal Herriko egungo prozesua ikuskatzeko NBEko begiraleak eskatzea erabaki dute IUk, EAJk, EHk eta EAK.

Aldekoak eta kontrakoak IUen

Agentziak / Cordoba

IUko buruzagi Julio Anguitaren ustez «ideia ona» da NBEko begiraleak Euskal Herrira etortzea, horrela «begiraleek bere ikusiko dutelako zer ari den gertatzen eta bortxakeriaren salaketara gehitu daitezkelako». Iritzi bera azaldu zuen Javier Madrazo EAEko IUko koordinatzaileak ere. Gai honen inguruan sortutako kritikak baztertu zituen, eta gaineratu zuen «HB eta honen

munduari indarkeria alde batera uzteko eta Espainiako Gobernuari urratsak emateko esijitu arazteko» balioko dutela NBEko begiraleek. Nafarroako koordinatzaile Felix Tabernak berriz kontrako iritzia azaldu zuen: «proposamena anekdotikoa eta sinbolikoa da, eta ez du ezertxo ere eskaintzen». Proposamenaren balio ezaz mintzatu ziren Espainiako IUko beste hainbat buruzagi ere.

Muniategi: «Lagungarria izango da»

Bestelako iritziak ere izan ziren atzo. EAEko Gobernuak Justizia sailburuordea Abel Muniategiren esanetan, «lagungarria izango da». Honela gaineratu zuen: «Gatazka politikoa dagoen beste herri batzuetan lagundu badute, hemen zergatik ez?». Nicolas Redondok, berriz, «txorakeria eta astakeriatzat» jo zuen proposamena. Josep Pique Espainiako Gobernuak bozeramaileak esan zuenez «bake prozesua guk konpondu behar dugu, kanpoko inor gabe».

Zaragozatik Logroñora eramanez dute Fernandez Perez de Nanclores euskal presoak

■ Espetxe politika aldatu gabe, kasuak banaka aztertuz jarraituko dutela esan du Espetxe Zuzendaritzak

Agentziak / Donostia

SENDIARTEKO arazoak direla-eta, Zaragozako espetxetik Logroñokora eramanez dute Jose Manuel Fernandez Perez de Nanclores euskal preso politikoa. Espetxe Erakundeetako Zuzendaritza Nagusiak atzo jakinarazi zuenez.

Iturri berek aditzera eman zuten, bestalde, hirugarren gradua eman diote Urko Izagirre Bernaola presoari. Izagirre Bernaola Langraitzeko espetxean dago, 35 urteko kartzela zigorra betetzen. Espetxe erakundearen esanetan «presoaren bilakera baikorrek» eragin du grado aldaketa.

Iruñeko espetxean dagoen Sabino Alava Garcia-rentzat berriz baldintzapeko askatasun aurreratua eskatu du Espetxe Zuzendaritzak Espetxe Zaintzarako Epaitegian. Presoak gaisotasun larria dauka, eta errejimene irekian bizi du bere zigorra. Urko Izagirre eta Sabino Alava presoak ez daude Euskal Presoen Kolektiboan barnertuta. Espainiako Gobernuaren espetxe politikak orain artekoan jarraituko duela ere esan zuen Espetxe Erakundeak.

PSNren hauteskunde zerrendan agertu ez izana deitoratu du Lola Egurennek

■ Egurennek ez zion erantzun bigarren postuan egoteko proposamenari

Erredakzioa / Iruñea

PSNk herenegun gauean erabaki zuen bere hautagai zerrenda. Nafarroako Parlamentuko lehendakari Lola Eguren ez da zerrendan ageri, ez baitio erantzunik eman 2. postuan egoteko Lizarberen proposamenari. Hori dela-eta Egurennek PSNren erabakia deitoratu du.

Lizarbek duela astebete zerrendaren bigarren postuan egoteko aukera eskeini zion. Baina Egurennek, zerrendako postuez hitz egiten hasi baino

lehen, «zenbait hausnarketa egin behar zirela» aipatu zuen. Lizarbek erran zion zerrenda eratzeko bilera baino lehen proposamenari erantzunik ez ematekotan ez zela zerrendan sartuko. Eta hala gertatu da.

Lola Egurennek deitoratu zuen atzo PSNk bere baldintzak onartu ez izana eta, horrenbestez, bere izena zerrendan ez agertu izana. Egurenen aburuz, hereneguneko gauan osaturiko zerrendak «Gobernu batzordea ordezkatzeko du soilik, ez da alderdi osoaren benetazko ordezkari

pena». «Nire nahia integritzailea zen», adierazi zuen, «iritzi guztiak bildu nahi nituen, ez bakarrik alde bat, nahiz eta gehiengoa izan». Egurennek gaineratu zuen bere jarrera ez zela «arduragabea» izan. «Beti pentsatu izan dut integrazioa bezalako ideiek lehentasuna dutela eta ni zenbagarren postuan egonen naizen bigarren mailako gauza dela». Azkenik, «ideia sozialisten alde alderdiak nahi bezala eginen duela lan» ziurtatu zuen.

50 izenez osatutako zerren-



EFE AGENTZIA

Lola Egurennek gogo txarrez hartu du PSNko zerrendetan ez egotea.

da hilaren 27an onartu behar du PSNren Batzorde erregionalak. Lizarberen ostean, Elena Torres dago. Egun 10 parlamentario ditu PSNk eta zerrendan parlamentario bakarra dago lehen

hamar postuetan, Carlos Cristobal. Hurrengoak, Juan Andres Platero, 12. postuan dago, eta hirugarren parlamentario bat, 23. postuan. Azkeneko postuan, sinbolikoki, Asun Apestegia dago.